

耦

耕

堂

集

叙

崇禎癸未十二月吾友孟陽率諸同好  
安之長翰山又十二年歲在甲午余  
所輯列朝詩集始出孟陽詩居丁集  
中實爲眉目而余爲小傳以引其端  
頗能推言孟陽之所以爲詩與其論  
詩考古之指意於時風人詞客希風

說響者咸相與歎歎愾歎恨當吾世  
不得一見孟陽又恨不得盡見孟陽  
之詩於是嘉定二金子治文渭師從  
其壻孫介繕寫松圓集以後詩文曰  
耦耕堂集者鏤板行世而屬余叙之  
叙曰耦耕堂在虞山西麓下余與孟  
陽讀書結隱之地也天啟初孟陽歸

自澤潞偕余棲拂水礪泉活活循屋  
下春水怒生懸流噴激孟陽樂之爲  
亭以踞礪右顏之曰聞詠又爲長廊  
以面北山行吟坐卧皆與山接朝陽  
榭秋水閣次第落成于是耦耕堂之  
名遂假孟陽以聞于四方旣而從形  
家言斥爲墓田作明發堂于西偏而

徙耦耕于丙舍以招孟陽廬居比屋  
晨夕晤言其游從爲最密辛巳春約  
遊黃山首塗差池歸舟值孟陽于桐  
江篝燈夜談質明分手遂泫然爲長  
別矣此集則自天啟迄崇禎拂水卜  
居松圓終老之作摠而名之曰耦耕  
者孟陽之志也余與孟陽相依于耦

耕者前後十有餘載孟陽歸新安余  
遂不于里居羽書旁午師命促數歲  
時展省一再至山中視所謂講耕堂  
者已邈然如傳舍矣孟陽歿而國變  
燔餘生殘骸求死不得土梗偶泊松  
楸僅存往者山堂礪戶筆床茶竈綠  
尊紅燭之樂驚寃夢瞥然不能一

至僅于孟陽詩句彷彿見之耳喪亂  
廢業歸心空門世間文字都不省憶  
惟孟陽清詞麗句尚巡留藏識中南  
冠越吟嘲啁諷詠因而迴思管遊一  
話言一談笑顯顯然猶在耳目孟陽  
誦持首楞嚴經聞鷄警悟于篇什中  
每有省發由今觀之吾兩人之遊跡

雪泥鴻爪已茫然如往劫事此經中  
前塵分別交蘆中空佛言如寤時人  
說夢中事豈虛也哉後之君子讀孟  
陽之詩追尋吾兩人游跡一切皆前  
塵影事觀匿王之恒河攬演若之朝  
鏡以孟陽之詩當伽陀祇夜而不徒  
以聲病格律相比量也則庶乎其可



矣余旣衰且廢孟陽墓有宿草不能  
往哭又不能料理其遺文而以累二  
金子余則有餘愧矣撰文懷人摩挲  
青簡藏山逝川聖人亦未免有情而  
況于余乎嗟乎此余所以叙耦耕之  
集援筆瀆淚輟簡而不能舍然者也  
歲在乙未陽月望日虞山友弟蒙叟

錢謙益謹序

耦耕堂集自序

天啟乙丑五月由新安至嘉定居香浮閣宋北  
玉庚申度歲於此梅花時所題也庚午四月携  
琴書至拂水北玉適偕錢受之屬宋作八分書  
耦耕堂自爲之記壬申春二子移居西城余偶  
歸而唐兄叔達適至因取杜詩相逢成二老來  
往亦風流之句顏西齋曰成老亭先是辛未冬  
婁兄物故已不及見移居甲戌冬余展閤氏妹  
墓于京口五州山下過江還則已遍除因感老  
成之無幾相見遂畱此日夕與唐兄尋花問柳

之以誣奏逮繫予待之湖上戊寅秋放歸廬居  
丙舍館子于東偏之花信樓復相從者二年庚  
辰春主人移居入城予將歸新安仲冬過半野  
堂方有文酒之燕留連惜別欣慨交集且約偕  
遊黃山而予適後期辛巳春受之過松圓山居  
題詩壁上歸舟相值於桐江篝燈永夕泫然而  
別余既歸山中暇日追錄遺忘輯數年來詩文  
爲二帙會虞山刻初學集將就書來索序甚亟  
自念衰病不復能東下就見終老遂以是編寫

之而略序數年踪跡于卷端使故人見之庶可  
當一夕面談而因以見予老年轉徙愁索筆墨  
之零落如此或爲之慨然而太息也崇禎癸未  
冬十月偶菴老人書

耦耕堂集詩卷目錄

卷上

春日登馬鞍山

送吳平仲歸新安

山居夜雨遲比王不至惜別一首

荅朱子暇次牧齋韻三首

贈別西吳上人

和比王受之惜別唱和六首

贈夏莘甫五十

題亡友張子畫扇二絕

除夕比王在仲和家守歲和韻各爲短歌  
次韻荅李茂勛見懷

張異度載酒過山居雨中話別送行一首  
八月十二夜次牧齋韻

十三夜疊前韻

十四夜和招友人

十五夜無月和韻

贈張叔維

題畫

許仲嘉過山居送行兼東文姚二公

康文祐六十

送陸羽明賫奉入賀

戲贈金爾宗三十詩次石甫韻

庚午除夕

辛未元日

人日

山麓張茂才家早春小飲有贈

汪四大臞字七十

送時聖昭遊定海

過延福禪院贈怡空長老



錢純中輓詩二首

訪顧侍御巖叟園居

和東臯觀菊四首

送江無際

文湛持宮允仲春初度有贈

初返山居得友人吳巽之書

東園觀芍藥歌爲王遜之尚寶賦

送許仲嘉侍講

雨後東臯讌集呈同集一首

訪孫芝房丈叙舊

原缺

韻作此

送施司理之任武昌

鄒二水知郡枉訪有贈

秋雨端居有懷

病餘戲詠草花

贈無涖上人

九月同唐四兄遊鄰園留飲夜歸

重過山居經宿遂撤新樓開寔域復申墓

田耦耕之約有述

停雲次茂勗韻

東坡先生詩集卷中  
五  
和爾宗春讌郎事

正月十一十二夜雲生留余家與客連夕  
酣歌醉餘夜深徘徊寺橋俯仰昔遊題三  
絕句

沈彥深遺詩賞牡丹走筆東和  
爲仲淳弟題盡

宿南屏東城中朋舊

宿延慶澄公房有贈

鄒氏新堂

秋晚汎湖

九日用杜老韻

題畫贈戚四丈八十

絕雲詩

同李茂初沈彥深郊遊次茂初韻

二月上浣同雲娃踏青歸雨譙達曙用佳  
字

六月鵲湖飲朱子暇夜歸與雲娃惜別

沈龍雲先生八十

海納宗侯枉訪談遊嵩華之勝戲爲短歌

孫芝房挽詩

送萬法師

和東坡岐亭勸戒殺詩

張異度七十

卷下

送侯廣成奉母之官三首

遊橫山宿桐塢

還硯歌萬曆戊申莆田翁吾隅致綠端貢

硯庚戌將遊武昌質宗老景岑翁家戊寅

夏翁以見還余感其誼畫圖因作此歌

久留湖寺得牧齋見懷詩次韻

湖上五日對雨遣懷

寶石山憲圖歌膠州張用之弟待之皆喜  
畫竹嘗客肅王邸摹賜本閣帖用之又  
能寫照頂寓昭慶紫竹房占樓居之勝  
莆田曾波臣在鄰房一時名勝晨夕嘯  
歌一日卜潤甫邂逅卽夕爲此圖諸公  
復屬筆作歌紀之時崇禎戊寅仲夏也

張卿子湯稚舍汎舟看荷花同用風字  
代用風字

又代

題弄潮士女圖

題畫送照可遊吳中

雲在樓謠爲四明陳柱史作

口占送劉漁仲之鬱林任

題畫寄吳巽之

西湖逢曹莘野話舊

題畫

寄壽顧用晦五十

訪蕭伯玉時蕭繫舟瞿氏園

和李孟芳山中話舊



除夕拂水山莊和錢牧齋韻二首

元旦和牧齋

同泰和蕭季公惜別

瞿稼軒五十

送別蕭伯玉

四月同潘方孺鄭彥逸再過魯生蓮齋

贈得岸上人

弔劉長卿

和時聖昭韻兼酬劉元博

再和東坡岐亭戒饗詩一首

六月望巨冶師過訪無著亦至喜呈

張長卿七十生日爲作小歌

九日城南登高有述

八月十五夜同考子作有懷海虞公

池州何晤明投訪卽事有荅

送胡廣文之潤州

除夕次牧齋韻

元日湯興次韻

題畫松壽張翁七十

次韻牧齋移居八首

拂水值黃蘗生清明歸省感懷一首

語溪邂逅楊孟公出諸畫像相示戲書一

絕

題梵庵種梅詩

送黃子羽之任新都

黃像之置酒園亭集同鄉諸君對雨口號

和韻

語溪客舍題畫

題畫

偶同畢鵠之考子弟過呂仲音園居適聞

舉第四子漫詠志喜

雨中九玄移舟相迎因得侍尊甫麟賓先生清言竟日漫詠題壁一首

送畢搗之

劉太公上壽成放生社詩

題閱世水檻

同家弟考子過魯生郊居林僧送茶祖綬僧後載酒主人方持嚴華藝菊特盛郎事口號

徐汝際七十新築東軒作詩貽之

虞山舟次值河東君用韻輒贈

再贈河東君用柳原韻

又次老牧汎舟韻

感別半野堂疊前韻

題畫

題宋比王畫扇

題畫送考子弟

題畫

辛巳三月廿四日未至桐廬廿里老錢在  
官舫揚帆順流東下余喚小漁艇絕流從

之同宿新店示黃山新詩且聞曾至余家  
有詩題壁次韻一首

和牧齋宿方給諫舊館有懷孟陽次韻  
和牧齋過方大司馬故第次韻

曹季野余掄仲招集古巖寺洗泉卽事  
十一月十二再赴洗泉卽事

題畫送照微歸蓮花峯啜石居

耦耕堂文卷目錄

卷上

前運判汪君汝澤壽序

九十翁侍泉黃君家慶序

錢母顧太夫人前誥封太淑人八十壽序

從叔蘭亭七十壽序

壽侯母龔氏太夫人七十序

仲姨丈方翁素川兄八十壽序

族叔父逸休翁八十壽序

徐孺穀繡虎軒遺稿序

方侍郎撫遼公餘近草序

程茂桓詩序

遊山記序

錢牧齋勸學集序

祭金子魚文

祭龔行之文

祭唐正叔文

弔問

祭錢母顧太夫人文

祭龔仲和文



祭李茂勗文

祭婁兒子柔文

祭徐爾常刑部文

祭郁振公文

祭李茂材沈氏夫人文

祭朱翁文

卷下

亡友宣成叔夫婦墓誌銘

亡妹閔孺人墓誌銘

廣西右布政使龔公元配誥封宜人葛氏

附塋墓誌銘

處士朱君墓誌銘

徵仕郎吏科左給事中方君行狀

都事金子魚先生行狀

遊虞山記

崇德縣西寺禪堂示衆記

古松煤墨記

重新建造真際庵疏

光明寺禪堂募飯僧米疏

程孝婦吳媛傳

書烈婦程某妻方氏

題薦卞友沈無回三七懺疏後

題陳白室畫冊後

題董宗伯畫冊後

書王右軍東方朔像贊帖後

又題

題黃荃龜圖卷

題蘭譜

題江觴臣印冊

題歸舟湧興冊

題胡麟賓先生畫冊

題畫扇

呂仲音像贊

楊孟公畫像贊

曹石葉像贊

王函硯銘并序

耦耕堂集詩卷上

新安

程嘉燧孟陽書

嚳城後學金獻士治文

金望渭師較

春日登馬輦山

同舟巡北郭捨策上孱顏古路逢人少  
高天與鳥閒村燈斷水外春靄夕陽間  
徙倚重城上何妨踏月還

送吳平倩歸新安

春風殘雪闔閭城客裏逢君又遠行  
白羽恨無

紆國畧綵衣遙見倚門迎迴塘清廟維舟地潭  
水桃花送客情此地舊饒詞賦客一時人士讓  
才名

山居夜雨遲比玉不至惜別一首

命駕論文復幾時孤懷愴別願春遲君豪視昔  
常中酒我老于前併廢詩晚節風塵那可傍舊  
遊花月若爲思扁舟十日東城曲辜負西窗話  
雨期

荅朱子暇次牧齋韻三首

幽棲元不厭山深把臂何人共入林樹下涼風

中散客窻間白日上皇心青苔果落空庭得流  
水花香別澗尋但恐鶴書知處所不容高臥只  
如今

招得無家一布袍留連酒聖狎詩豪林端水聒  
歸潭靜雲裏峯來跂石高曉案晴光研竹露夜  
瓢明月煮松濤山中入夏先涼冷便約湖心弄  
小舸

乘興停舟草屐時落帆高樹鳥先知茶神句裏  
看雲過草聖行間識露垂洗硯池香縈墨細解  
巾松月逗眠遲夫君不淺中林意流水空山待

子期

贈別西吾上人

不到南屏久相逢一惘然浮踪一再會急景廿  
餘年脫落惟真實棲遲祇俗緣明當向山住抖  
擻學安禪

和比玉受之惜別唱和六首

百尺枯桐一徑莎惟餘二仲得經過已甘澤雉  
同棲啄猶向冥鴻嚇網羅

曾笑吳儂貌荔支扁舟千里十年思舊時好事  
消除盡叉手低頭懶和詩



酒後慣呼顛長史吟成今比逸叅軍更圖水墨  
玄真子霅雪淞雲也屬君

丹黃吾谷水雲中惆悵前期一夕風記得半山  
衝黑夜滿頭飛雨看江楓

白頭紅粉怕聞歌又况飄零廿載多莫問檀園  
回首地寒潮無信月明過

長篇如諷復如規的是蒼生可察眉直比國風  
兼小雅何言騷客但徵詞

贈夏華甫五十

種杉編竹引柴荆鑿澗通籬放沼平野雀來時

同飲啄簷蜂分後少經營吾廬總破歡顏足何  
肉都忘嗜味輕漸老併地漁佃業香爐瓦鉢究  
無生

題亡友張子畫扇二絕

作意描宮柳傷心樹白楊思君猶下淚宿草又  
春陽

雪重移舟穩漁寒上釣遲畫成君不見何忍更  
題詩

除夕比玉在仲和家守歲和韻各爲短歌  
今夕何夕歲云盡二年之臘三年春都門虜騎

聞稍却王師會報清胡塵青眼作歌風格老白  
頭守歲交情新正愁豬肝累安邑且喜雞黍娛  
窮賔百錢一斗市苦貴得酒那復論清醅十年  
未歸子來客愧爾悠悠南北人

次韻荅李茂初見懷

春歸一別又秋朝門外何時繫短橈獨宦無心  
偏警露亂蛩多事亦終宵喜因家遠離塵滓肯  
向山空歎沈寥臥把君詩閒諷詠與君相對未  
成遙

張異度載酒過山居雨中話別送行一首

續食瀕行載酒過草堂風雨共煙蓑尚愁烽火  
甘泉急轉覺江湖秋水多賴有鞭笞驅屬國那  
無兵甲洗天河野夫敢謂滔滔者空谷猶傳伐  
木歌

八月十二夜次牧齋韻

秋水閣初成  
共憑闌作

湖風山月屬新秋一片高寒百尺頭試手步簷  
曾不夜振衣風磴已知秋平疑素鬼來窺髮直  
上青天可泝流何處鵲飛還繞樹八年看我走  
三州

十三夜疊前韻

雲輶月駕要人收。合著亭臺在上頭。曳影軒窗  
含遠瀑。行空阿閣俯高秋。招延風物爭人勝。攬  
住湖山放月流。何得更言官醞美。世閒應笑鶴  
揚州。

十四夜和招友人

水邊林外夕陽樓。已分殘年伴送秋。誰謂孤雲  
無駐著。自吟蓼桂可淹留。剩添風物閒家具。平  
占煙波小釣舟。君肯放忙相料理。不妨斜日到  
林丘。

十五夜無月和韻

節物陰晴總不愁思家時復一低頭空勞拄杖  
中宵立未遣尊壘向月羞放客惺惺歸北院任  
他腌腌下西樓嫦娥亦是人間意想像含嚙耐  
九秋

贈張叔維

君真瀟灑出風塵句好芙蓉出水新北郭潮生  
鷗舍近西湖花盡客裝貧數間破屋安茶具四  
壁名山乞酒人擬逐歌呼同爛熳慚予雙髻久  
如銀

題畫

社酒清渾社樹紅草亭新結野塘東  
衰髯歸去從孫挽無奈嬌癡嚇廼翁

不見雲林二百年誰將凡骨換神仙  
茅齋踈卻秋光後拾得金丹在眼前

許仲嘉過別山居送行兼柬文姚二公

手決流泉蔕晚菰枉披三逕問蒿蓬  
羲皇只在閒窻際頗牧今歸禁苑中  
北極漫憑黃閣在南村聊托素心同  
史臣並有清風頌會紀周宣六月功

康文初六十

朱方華陽地蕭爽七真羣仙日來往金沙傳得  
造酒經空青縹碧同漉沆酌之令人顏色好桃  
花千春紅不老分我同消萬古愁其奈形容已  
枯槁山居開出玉蜿蜒甘芳侶蜜無中邊逃禪  
不設聲聞酒悟道堪爲菩薩泉莫着枕梳空洗  
耳不用伐毛長洗髓也不尋師去喫茶但欲與  
君同飲水

送陸羽明齋奉入賀

謁帝東方領縉紳西郊壺榼餞行塵外臺風采  
文衡重南粵車書教鐸新三殿天齊瞻聖壽萬



方山舞起臣鄰晝遊歸及中和節許就藜床醉  
野人

戲贈爾宗三十詩次石甫韻

南城風雪梵筵中藜杖還來一笑同料理莫教  
嫌興盡扶携真可仗途窮瑤環瑜珥新蘭茁白  
髮蒼顏老桂叢最是厭厭饒酒德夜堂堅坐燭  
花紅

庚午除夕次牧翁韻

湖山斯夕與斯晨不覺園梅又放春峯侶解衣  
延晝史泉來穿屋款茶神寧須守歲過咸舍何

用辭年惱比鄰深媿皇天私老眼東家貫我作  
閒人

辛未元日次牧翁韻

風雨蕭蕭獨鶴晨住山又喜見山春身如龐老  
家無室佛是吳生畫有神漸擬禪深諸漏盡莫  
將塵析與虛鄰昨朝賣却癡騃者未必心空第  
一人

人日次牧翁韻

望入山腰古寺晨坐深藍尾一家春且娛燈燭  
喧兒女不用哀絲動鬼神梅試寒香移北澗池

添新水出西鄰風光合度陽阿曲自覺尊前少  
和人

山麓張茂才家早春小飲有贈

清時務明經棲遲自養拙昂然風雲姿霧隱閔  
巖穴顏色可樂饑况復壺飡列煮酒茅柴香烹  
魚石泉潔探梅值早芳入林步松雪西園新篁  
成茶瓜亦易設共此無盡燈來聽不可說

汪四丈襟宇七十

帶郭平江向白茅到門猶記竹松苞少等黃石  
逢青眼老對蒼山屬素交堂上慈烏頻燕喜簷

前乳鵲近鳩巢浮家自愛春湖色早晚詩成寄  
樂郊

送時聖昭遊定海

春江木蘭櫓花遠向蛟門入境多遺愛通家念  
舊恩東風薦蘋藻明月具壺飧爭識佳公子蹊  
成自不言

過延福禪院贈怡室長老

年來卜築近前峰曳杖湖邊野寺鐘泉外草庵  
新闢地階前樹臘舊移松海潮振處千花落沙  
界齋時一鉢供已有傳燈高第在密將心印契

南宗

錢純中輓詩二首

誰憐地下老明經宿草墳頭又化螢  
朽骨尚應思駕御朱顏終自惜娉婷  
一生辛苦爲玄白何處流傳付殺青  
獨有中郎銘不沒斷虹斜日貫

幽扃

牧翁爲墓誌故云

涸岡西畔草芊芊港斷潮枯不計年  
見說塚傍堪置邑手栽木拱已成阡  
室無弟子開丹火路有門生致葬錢  
臨穴末由慚後死細書銘石待深鐫

訪顧侍御巖叟園居

碧山連郭水通門日奉輕輿出後園將母可能  
忘侍御憂時應不廢琴尊樓前膏野宜栽秫堂  
背清陰好樹萱誰就東山起安石爲君談笑靖  
游蒐

和牧翁東臯觀菊四首

去年集西園繞簷數本菊今年集東臯燦燦黃  
金屋翹然殿衆芳森矣媚幽獨華觴旣見命濁  
醪勝新漉久服云輕身小瘳亦明目遠繇高陽  
會近邀雞黍局老圃幸有秋塞翁豈非福餽之

可爲糧用此豐年穀

佳節當重九舉世貴其名茲花獨秀出衆卉皆  
含頰餐英挹墜露聞之離騷經陋彼繇華子施  
障仍掣鈴飄飄黃冠者姚魏孰敢評穆然來清  
風高與南山爭對之復不飲能無媿淵明

甘谷產芳菊其下酈陽水飲之壽百歲飛步却  
杖几浪蒙胡公辱千載貽譏毀豈無史魚儔直  
哉但如矢同凜霜下傑何計道旁死自沉促靈  
均苟祿延伯始富貴何有哉賢佞共盡矣不見  
紫與朱綠衣乃黃裏

黃華夕已敷零露朝已灤燼燁丘園姿羅列君  
子堂舟車咸來臻肴炙紛成行良辰夜何其白  
露凝朝霜主人更爲壽累稱千金觴追隨飛蓋  
遊衰衷明月光華燈已代爇襟袖猶携芳菲菲  
芝蘭側漸久意已亡申章咏佳什拂坐流寒香  
夜雨傷婁兄兼懷拂水山居

千古傷心爲絕絃老人流淚過殘年春寒瀕洞  
風床殷夜火青熒雨屋燃亂落暗泉虛榻畔絲  
枝晴昊豁崕前扁舟欲往愁花事白晝昏昏閉  
閤眠



贈太常少卿侯君輓詩四首

令望吁繩武嘉聲曰象賢  
九原忠可作百行孝  
唯先下邑猶蒙潤窮閭待舉  
煙古來廉吏後燕  
沒寢丘田

南國行人傳東曹諫省垣奉  
旋俱典冊骨鯁獨  
危言四輔抨彈入三朝  
建議存聖君終賞直  
卹  
乃奉常恩

身許雙金比家傳萬石風  
撓鱗顏慷慨弄鳥色  
冲融放斥江湖遠昭蘇日  
月同龍顙攀莫逮飲  
恨泣遺弓

地自青鳥卜泉今白馬開雲衣將母戀丹旄贈  
官陪雉露行中野摘文屬上台平生素車客隴  
木愴餘哀

送汪無際

石橋茅屋雪初晴潭水桃花欲送行共識廣文  
鄰野叟行看太學進諸生風流好事元三絕英  
妙承家復兩京此日一杯難共把應憐羈客老  
孤城

文湛持宮允仲春初度有贈

長洲花鳥媚芳辰竹塢松筠近接鄰時解銀魚

留法席早通金馬冠詞臣兩朝供奉生黃髮一  
疏江湖縱巨鱗他日殿庭真漢相遠夷驚問髯  
毛新

初返山居得友人吳巽之書

心境難調緩急絃住山空度一年年逐時蔓草  
徒勞剗去日寒灰莫更燃北里笙歌傳水上西  
湖書記到花前尋常憶得除禪語次第無過省  
醉眠

東園觀芍藥歌爲王遜之尚寶賦

先臣一出安儲王廿年歸釣婁水傍徵書十召

臥不起園花徑草皆天香

神宗末命寵眷極

廕補束髮官朝行雍容

三后儼法從翱翔九

列升巖廊科名接武等際會詞翰趾美尤芬芳  
生長綺紈習稼穡屏遠聲色祛膏粱愛栽花藥  
繼獨樂厭闢水石誇奇章池上篇留畫錦第花  
畦葺近尊賢坊西州門前久不到仰視喬木今  
蒼蒼平津賓客尚餘幾黃髮僅數金與唐偶來  
看花踏清曉露晞日杲穠濃灑天孫照身爛雲  
錦國寶觸目生琳琅稱詩士女比溱洧論價公  
侯傾洛陽主人倒屣兼倒筐爲出寶繪行玉觴

紛綸入眼得未有顧盼四座神揚揚坐忝方袍  
亦圖書雅集髣髴西園王時岍公同閱書畫更期春秋  
值佳日時許扣門畱徜徉竹房水閣連窈窕中  
有淨名獅子床尋花載酒直餘事從此來往亡  
何鄉

送許仲嘉侍講

里門休沐兩經春水郭山樓對酒頻不厭形骸  
鄰土木絕知玄度出風塵韜筵久待橫經老湧  
塔曾懸授記人身病時危饒涕淚落花飛絮共  
霑巾

雨後東臯讌集呈同席一首

花溪雨過有樵風出郭琴尊會滾東萬柳晴曛  
黃麴動半篙雲破綠醅融醉吟正好追池上嘯  
傲何嫌入竹中此地春遊多樂事新知難值故  
交同

訪孫芝房丈叙舊

班荆夙昔艤舟同俯仰流年世事空廉吏故人  
無籍在朗陵才子有門風高情片月城頭石浪  
迹滄波谷口楓可待披帷纔一笑早傳清韻半  
巖中

和牧齋觀劇四首次韻

山中還往亦無期行樂何緣不蹙隨顧曲那禁  
窮相眼狂言容迹破顏時一羣嬌鳥花相逐四  
壁寒蠅凍侶癡少小也諳曹植舞燈前長袖自  
倭遲

徵歌排日鬪妝新買笑畱權不計旬傾國總矜  
堂上艷逢場曾作坐中人玲瓏爭唱尚書醉啄  
木誰言學士貧省識春風向來面帶人宜喜復  
宜嗔

游絲無力罥春長急盞從揮白日忙燭下邀來

偏巧笑曲終不見只顛狂迷花未散常侵曉和  
雪難教更引商浣處侶聞遺石在相逢或恐是

同鄉

女郎自言練  
祁江上人

萬金一曲藝偏殊誰效工嘖學步趨水上盈盈  
逢洛女桑間冉冉見羅敷腰肢結束元難有楊  
柳風流得侶無瞥眼繚華易惆悵可如文室對  
踈蕪

題李孟芳齋壁

橋外松間一草堂時聞漁唱過滄浪床頭老易  
纔三卷庭下周南日幾行簑雪覓泉間作務批



風抹月淡家常觴公自悟無生樂不擬陶家傲  
上皇

賀王德操得子

他年誦得老夫詩分付雙荷掌取時天上鉢花  
人見少雪中珊樹子生遲雄聲欲就探懷試吉  
夢先隨抱送知世事公卿願愚魯聰明何必辨  
無之

吳江周敏仲同客過拂水山莊阻風竟日

山厨蕭寂詩以自調

烈風振山石欲落亭午高眠縮雙腳髯郎扣門

二客俱好事經年宛如昨青春豪絲醉白髮綠  
水華燈蕩朱閣米家船從何處來但說東臯好  
林薄朱門如山酒肉待却犯顛風抵窮壑繫舟  
盡日不得去白浪喧阗斷煙郭自巡寒庖有濕  
葦走問東家亡郭索樵蘇清談亦恒事倚壁呻  
吟如可作老夫猶云幸免俗且未燒琴思煮鶴

送朱子暇

布帆歸處落家傍五湖濬詎謂逃虛久俄然愴  
別新風期元不隔煙月邈相親許與神遊者時  
來問季真

贈周午陽鍊師

聞住毘陵郭門前  
水向城雨晴來肆遠  
日午下簾清布地  
開三易叅天契五行  
那知楊子宅倚棹  
識君平

沈曜潛新安歸論舊話別二首

思逐新安去經秋  
苦日歸君曾訪空谷  
誰爲壻荆扉菊細堪  
投酒綿輕可絮衣  
山城知却去取別  
莫教違

視篆香山日奇謀  
會寢兵折衝如有托  
亡命敢橫行相度  
山川理料量水土情  
歸裝看載石客

伴長官清

適齋一首爲曾生作

適齋元在草堂東  
新構山亭小竹中  
時有風光上睂宇  
本無塵土碍心留  
數盃菊液常娛老  
十畝梅花可禦窮  
歲晏扁舟倘乘興  
水莊來就釣魚翁

和牧齋題沈石田奚川八景圖歌

侍郎載歌奚川圖  
後人諷歌如按圖  
詩成相示勸之和  
才盡氣索其如吾  
枯腸無瀋難飲墨  
但恣夕歡還朝鋪  
近來長句竿子敵  
況當述祖詩

格殊世家文彩賸粉繪 列聖德澤餘張鋪侯

王忠孝遺第宅江海碩大田泥塗明堂梓材老  
勿翦連城寶玉韞莫沽身當承平俗殷富絃歌  
耕鑿遊康衢一川東下百谷應偉哉二惠鍾菰  
蘆風流冠蓋四走集淵深木茂相招呼柳森溪  
堂讀書處種竹萬个中盤紆摩娑商周出彝鼎  
嘯咏日夕傾觴壺是時景泰富才子畫師劍客  
兼博徒爲梁置驛動成市百貨輻集杭與蘇茅  
茨曉驅挂書犢瓜鉏晚帶巢冠烏清門孫枝見  
隆棟白雲宰樹皆連跌畫走那知六丁索圖出

定有神明扶石田先生上仙久飄然八景來坐  
隅焚香盥手再拂拭韻以繡段紅氍毹薦陳家  
廟有琰竿誇讌宗邨繇笙竿傳家洵有萬金產  
識字不獨分之無他年會是大手筆簪紵侍從  
仍操觚抱看睨視細指點對客問事時挽鬚蠅  
頭卷尾複書罷舉手向我重嗟吁天吳耐可補  
褐綴寶繪忍復殘膏汗強歌形穢恍自失何當  
白壁鄰武夫咄哉無鹽漫刻畫人言東里瞋女  
空爾愚胡然東里瞋女空爾愚

履之四十自序詩十二韻受之首和之兼

以見示勉步來韻

達夫五十詩成後，令弟齊肩衆所憐。  
伯氏不辭倡予和，鄉人惟問酌誰先。  
瑤林朗出真難並，珠玉分投信可傳。  
黃閣自來無籍在，白衣老去有因緣。  
牙籤卷軸紛撐拄，雲錦機絲自浣湔。  
池草偏生康樂第，園珍兼藝仲長田。  
一門獨許從王績，七策何勞用計然。  
萊子日供娛母具，庖丁時解養生篇。  
閒居已就思玄賦，名理還通法喜禪。  
無著天親西竺社，上皇陶令北窗眠。  
兒賢豈直論金產，壽永何知慮杞天。  
每憶清談見滋味，逐

君兄弟可忘年

耦耕堂集詩卷上